

書名 錦繡萬花谷續集四十卷
嘉靖十五年序錫山秦
撰者 宋 闕名 撰
卷 卷三十九
內容分類 子-類書-彙考-宋
索書號 大木-子部-類書類-31
編號 C5924800

卷三十九



錦繡萬花谷續集卷之十八



類

後進領袖裴秀八歲能屬文時語曰後進領袖有裴秀

後爲晉空 晉本傳

玉山裴楷以清通用爲吏部郎時人稱見裴叔則

如近山映照人也 本傳

裴松之博覽墳籍立身簡素宋武帝克洛陽

行事武帝曰松之廊廟之才不宜久居邊務

沈馬轉中書侍郎 南史

裴駿魏太祖曰駿有當世才其忠義可嘉補

崔浩目爲三河領袖宋使來聘以駿有才學

彩色首頁1

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本文影像資料庫 索書號: 大木-子部-類書類-31](#)

[漢籍善本文影像資料庫文本 錦繡萬花谷續集四十卷 嘉靖十五年序錫山秦 汴繡石書堂刊本 後修](#)

版權所有: 東京大學 東洋文化研究所
使用上の注意事項

南矣號玄德先生

並後漢史

內為謀主

法正字孝真為蜀郡太守揚武將軍外統都

畿內為謀主

蜀志

錦繡萬花谷續集卷之三十八

錦繡萬花谷續集卷之三十九

類姓

司馬

慕蘭相如

司馬相如字長卿蜀郡成都人既學慕蘭相如之為人更名相如奏大人賦天子大悅飄飄有凌雲氣遊天地之間意為游獵賦因以風諫賦奏天子以為郎又著子虛賦

有良史才

司馬遷字子長父談為太史公遷南游江淮上會稽探禹穴窺九疑浮沅湘北涉汶泗講業齊魯之都為太史令紬史記石室金匱之書網羅天下放失舊聞為太史公書序略遷有良史之才文直事核謂之實錄

前漢史

真一先生 司馬承禎字子微事潘師正傳辟穀道引術無不通師正異之卒謚貞一先生 唐史

手加額 皇朝司馬光字君實天章閣待制池之子光爲兒童時凜然如成人七歲聞講左氏春秋大愛之退爲家人講卽了其大義自是手不釋卷至不知饑渴寒暑初以父任爲將作監主簿舉進士甲科居洛十五年再任紹司御史臺四任提舉崇福宮拜資政學士神宗崩光赴闕臨衛士見光入皆以手加額曰此司馬相公也民遮道呼曰公母歸洛留相天子活百姓所在數千人觀之元祐元年拜左僕射薨贈太師

夏侯

夏侯嬰沛人也號滕公封汝

爲太僕

取青紫如拾芥 夏侯勝從始昌受尚書及洪範五行傳說災異爲學精熟徵爲博士光祿大夫又爲諫大夫給事中遷太子太傅嘗謂諸生曰士病不明經術經術苟明取青紫如俛拾地芥學經不明不如歸耕 並前漢史

宇文

持劔取公侯 宇文貴少受學嘗輟書歎曰男兒當提劔汗馬以取公侯何能爲博士善騎射有將帥才後仕魏位大將軍 北史

入閣語至夜分 宇文士及太宗擢右衛將軍延入閣語或至夜分

請校天下籍 宇文融明辨長吏治時天下戶版利隱人多去本融由監察御史陳便宜請校天下籍玄宗以爲

覆田勸農使乃請馳傳行天下事無巨細先上勸農使而後上臺省並唐史

忠節 皇朝宇文虛中字叔通建炎二年以資政殿大學士左太中大夫充國信使使虜繼立忠節事大略具三朝北盟集今樞密公紹節即公之孫師援之子也

歐陽

尚書世學 歐陽生字和伯事伏生受尚書子世傳至孫高為博士高孫地餘亦為博士論石渠由是尚書世有歐陽氏學

八世博士 歐陽欽字王思自歐陽生至欽八世皆為博士拜汝南太守推用賢俊政稱異績在郡教授數百人後漢史

尺牘人以為法 歐陽詢博貫經史初倣王羲之書後險勁過之尺牘所傳人以為法高麗求之

龍虎榜 歐陽詹字行周泉州人其先為本州州佐縣令閩越地肥衍有山泉雖能通文書吏事不肯比官及常袞為觀察使始擇鄉秀民能文辭者與為賓主鈞禮里人矜耀故相勸仕舉進士與韓愈等聯第時稱龍虎榜閩人第進士自詹始

六一居士 皇朝歐陽修字永叔吉州廬陵人四歲而孤母鄭氏守節自誓親教脩讀書家貧至以荻畫地學書北成人舉進士兩試國子監一試禮部皆第一遂中甲科補西京留守推官始從尹洙遊為古文議論當世事迭相師友與梅堯臣遊為歌詩相倡和遂以文章名冠

天下 神宗朝六請致仕乃以觀文殿學士太子少師致仕脩之在滁也自號醉翁作亭琅琊山以醉翁名之晚年又自號六一居士曰吾集古錄一千卷藏書一萬卷有琴一張有棊一局而嘗置酒一壺吾老於其間是為六一自為傳刻石居頴一年而卒謚文忠

令狐

白衣宰相 令狐滈緇之子及第遷右拾遺當時謂之白衣宰相

獨孤

以道舉高第 獨孤及為兒時讀孝經父試之曰兒志何語對曰立身行道揚名於後世天寶末以道舉高第歷濠舒二州刺史

佳婿 獨孤郁及之子擢進士第最為權德輿所稱以女妻之舉制科高等進右補闕擢翰林學士憲宗歎德輿乃有佳婿詔宰相高選世族故杜悰尚岐陽公主然帝猶謂不始德輿之得郁

諸葛

藍田生玉 諸葛恪少有才名孫權見而奇之曰藍田生玉真不虛也

吳志

黑頭公 諸葛恢轉臨沂令為政平和王導常曰明府當為黑頭公

晉志

申屠

不受私謁 申屠嘉梁人以材官蹶張遷為隊率孝文時遷御史大夫至丞相封故安侯為人廉直門不受私謁

淳于

緹縈上書

太倉公姓淳于名意少喜方術為人治病決死生多驗文帝時當刑意少女緹縈隨父上書上悲其意乃除肉刑

贅壻

淳于髡齊之贅壻也長不滿七尺滑稽多辯並史記

鮮于

福星

皇朝鮮于侁字子駿為京東轉運使司馬光謂蘇軾曰子駿福星也京東人困甚子駿救之然安得百子駿布之天下乎

太史

青州名士

太史慈少好學仕郡奏曹史後於神亭戰敗為孫策所執策曰子義青州名士以信義為先常與參

論諸軍事

吳志慈字子義

尉遲

心如山嶽

尉遲敬德隱太子嘗以書招之贈金四一車固辭太子怒而止敬德以聞王曰公之心如山嶽然雖積金至斗豈能移之

屈突

寧食三斗葱

屈突通莅官勁正其弟蓋為長安令亦以方嚴顯時語曰寧食三斗艾不逢屈突蓋寧食三斗葱不逢屈突通

司空

耐辱居士

司空圖咸通未擢進士景福中拜諫議大夫不赴圖本居中條山王官谷有先人田遂隱不出作亭

觀素室悉圖唐興節上文人名字曰休休作文以見志
自目爲耐辱居士唐史

公儀

拔葵出婦公儀休食茹而美拔其園葵而棄之見其家
織布好而疾出其家婦燔其機云欲令農士工女安所
離其貨乎史記

皇甫

西州豪傑皇甫規舉賢良後爲中郎將黨事起天下名
賢多見染逮規雖爲名將素譽不高自以西州豪傑耻
不得預廼自上言云云臣宜坐之朝廷知而不問時人
以規爲賢後漢史

晏先生皇甫謐字士安博綜典籍百家之言自號玄

晏先生時人謂之書淫竟不仕晉史